

## БООСОЛДООН

Шэнэ жэлэй ёлко дүтэлбэ. Нэгэтэ Чингис Олег хоёр боосолдобо. Чингис иигэжэ хэлэбэ:

— Ёлкын нааданда ши намайе заяандааш танихагүйш. Бишни нэгэл һонихон костюм оюулжа байнаб.

Үнинэй хүлеэгдэхэн Шэнэ жэл одоошиб хүрэжэ ерэбэ. Һургуулиин томо заал соо ёлкын бал-маскарад болобо. Үхижүүд танюулхагүй гэжэ нюуртаа багуудые үмдэнхэйнүүд. Олег боосолдохон нүхэрөө бэдэрнэ: тэрэ юумээг гээхэндэл, хүнүүдэй гуталнуудые шэртэнэ. Тийгэж ябатараа, гэнтэ нэгэ хүбүүг гарнаань татан байлгаад:

— Энэ ши Чингис гээшэлши даа! — гэбэ.

— Хайшан гэжэ таниба гээшэбши?! — гэжэ Чингис ехэл гайхаха юм.

— Гуталаарши таняаб, баруун гуталайшни хоншоор шулгаранхай һэн гүб даа.

Боосоогоо алдахан Чингис:

— Хойто жэл боосоогоо заал һaa эдихэб: ондоо гутал үмдөөд ерэхэдэм, ши яашье танихагүйш.